

Bellon. de
Aquatilib.
lib. 1.

octo aut novem. Non tantum in fluminibus, sed et in lacubus, sed et iis paucis *degit*. In Lario invenitur, in Constantiensi non item. Ab Aufonio inter Mosellae, a Bellonio inter Strymonis pisces refertur; sed nec claustra refugit. Dulci piscina inclusus, crescit, pinguescit, et prolem propagat. Expresse Varro. In tertia parte quis habebat piscinam nisi dulcem? et in ea duntaxat Squalos et Mugiles pisces? Servari diu et in aqua pura potest, si eandem saepius mutaveris, vas ad summum repleveris, nec quicquam aliud injeceris, alias suffocantur. *Vescitur* coeno et fordibus, ideo un Vilain in quibusdam Galliae locis dicitur: scarabaeis et animalculis, qui in aquae superficie natant; gryllis quoque campestribus, et uvae acinis, et muscae genere, quod propterea Aletmuggen Helvetii dicunt; cerebro denique bubulo, ideo a piscatoribus hamo subtiliter alligatur. In locis littoribus proximis, in fine veris et sub aestatis initium *parit*. Mense Majo parere ab uno latere, ab altero quando Cerasa, quae Helvetii Amarella vocant, matura sunt, postea alioqui Gesnero teste prodidere. Inter *gregales* esse censentur. *Usum in cibis* si spectes, inter viles censetur. Carne quidem est candida, sed insipida ac molli, et quae mox extra aquam flaccescit, pluri-

mis abundans aristis; utrumque tetigit Aufonius dum canit:

Viscera praetenero fartim congestus aristis,

Nec duraturus post bina trihoriamensis.

Improbantur prae caeteris, qui in lacubus, et in magnis coenosisque fluminibus capiuntur; quamobrem Romae, quod vel ex proximis lacubus, vel ex Tyberi afferatur, parvi fit, cum aliqui Tyberinus in ligneis vasis diu vivus conservetur. Contra, in limpidis, parvisque ac saxosis fluviis torrentibusque captus, haud omnino aspernari debet, maxime ubi adolevit.

Major enim factus, minus mollis est, ut hic etiam, sicut de Barbo diximus ex Aufonio, in senecta praefendus videatur. Commendantur apud nos verno potissimum tempore, cum praegnantibus sunt: Alii tradunt per totam hyemem admitti mensis posse, et vere etiam usque ad initium Maji: aestate non probari.

Gesnerus apud suos commendari scribit mense Decembri, placereque circa Calendas Octobris, quo tempore unum ovis gravidum, inquit, reperi: magnus is et praepinguis erat: ova quoque sapiebant palato: nec ullae apparebant *spinae*. Idem caput in eo praeferrī asserit.

ARTICVLVS II.

De Capitone fluxiatili, seu Squalo minore.

TAB. XXVI.
7.
Aldrovand.
de Piscibus
l. 5. c. 18.

Frequens in fluviis est, inquit Gesnerus, vulgo nominatus ein Hasle, in lacu juxta Tugium Ganghasle, vel communiore nomine Weissfisch, quasi albus piscis, item alio nomine Mayfisch, a Mense Majo, quo praeferuntur, quod nomen Alausis, quoque attribui putat. Italicum hujus piscis nomen nisi *Stretta* sit, (a corpore longiusculo forte, et stricto, id est, minime lato) in Lario lacu, et in Verbano *Gravetta*, aliud se nescire profitetur. Haec vero cum scripisset, piscator Lucarnensis in Verbano vocari ei asseruit, *Letta* vel *Aletta*.

Conjicitque eundem forte esse qui Papiæ *Cabacello* dicitur. Germanicum *Hasle*, videtur lepusculum significare, forte quod agilitate ac celeritate natandi lepores repraesentet. Ipse Cephalos aut Mugiles fluviatiles minores vocat, quod fluviatilem Cephalum sive Squalum magis quam Leuciscos referat, adeo ut iconē opus esse neget. Pisciculi, inquit, sunt molles, duos aut tres palmos longi, albicantes per dorsum in viridi nigricantes, cauda et pinna dorsi glaucis; caeteris rubicundis minime lati.

R 3

Squa-